



Mostar, 24.02.2026.godine
Broj: 01-45-07-80-2/26

Na temelju članka 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), članka 44. Pravila Centra za stara i iznemogla lica-osobe Mostar, v.d. direktor dana 24.02.2026.godine na preporuku Komisije za javne nabave, donosi

ODLUKU **o izboru najpovoljnijeg ponuđača**

I

Prihvaća se preporuka Komisije za javne nabavke za odabir najpovoljnijeg ponuđača u otvorenom postupku javne nabavke "Nabavka prehrambenih artikala, mesa i mesnih prerađevina" – LOT 1: Nabavka prehrambenih proizvoda, te ugovor dodjeljuje ponuđaču **MAX TRGOVINE D.O.O. ZENICA**, Ul.Muftije Šemsekadića bb, 72 000 Zenica, ID broj: 4218959970009, koji je za predmetnu nabavku ponudio ukupnu cijenu (bez PDV-a) od 77.600,48 KM i rok isporuke od 2 dana.

II

Izabrani ponuđač je dužan dostaviti ugovornom organu kvalifikacione dokaze lične sposobnosti iz člana 45. Zakona, te dokaze ekonomske i finansijske sposobnosti iz člana 47. Zakona, u originalu ili ovjerenoj kopiji, ne starije od 3 (tri) mjeseca od dana dostavljanja ponude, i to u roku od 5 (pet) dana od dana prijema ove Odluke.

III

Ugovorni organ pozvat će izabranog ponuđača na zaključenje ugovora kojim će regulisati međusobna prava i obaveze vezane za predmetnu nabavku po isteku roka od 15 dana od dana kada su ponuđači obaviješteni o izboru najpovoljnijeg ponuđača, a sve u skladu s odredbama člana 98. stav (1) Zakona o javnim nabavkama.

IV

Ova Odluka bit će objavljena na web stranici ugovornog organa, istovremeno sa upućivanjem ponuđačima koji su sudjelovali u postupku nabavke za predmetni Lot.

V

Odluka stupa na snagu danom donošenja.

Obrazloženje

Ugovorni organ pokrenuo je otvoreni postupak javne nabavke "Nabavka prehrambenih artikala, mesa i mesnih prerađevina" putem otvorenog postupka nabavke sa podjelom na lotove i kriterijem za dodjelu ugovora: ekonomski najpovoljnija ponuda. Za isti je objavljeno Obavještenje o nabavci br. 340-1-1-1-3-4/26 od 29.01.2026.godine na Portalu javnih nabavki.

Ponudu za LOT1 – „Nabavka prehrambenih proizvoda“ su do krajnjeg roka za primitak ponuda dostavili sljedeći ponuđači (redoslijedom zaprimanja):

1. "VOĆEPROMET" D.O.O. JABLANICA.
2. „MAX TRGOVINE“ D.O.O. ZENICA
3. „HERCEGOVINAPROMET“ D.O.O. MOSTAR

Ponude su otvorene na javnom otvaranju ponuda, dana 20.02.2026. godine u 12.30 sati, o čemu je sačinjen odgovarajući Zapisnik.

Komisija za javnu nabavku u sastavu: Selma Salković kao predsjedavajući Komisije, te članovi Emir Ljevo i Minka Đonko, na sastanku održanom dana 23.02.2026.godine pristupili su analizi i ocjenjivanju

pristiglih ponuda, odnosno valjanosti priložene dokumentacije s obzirom na iskazane zahtjeve ugovornog tijela u tenderskoj dokumentaciji.

Na osnovu iste je utvrđeno da ponuda ponuđača Voće promet d.o.o. Jablanica nije ispravno numerisana, te je ista odbačena kao NEPRAVILNA, u skladu s odredbama Zakona o javnim nabavkama i člana. 6.1.6. tenderske dokumentacije. Za preostale dvije kvalifikovane ponude izvršena je aritmetička provjera cijena, obavljen propisani postupak za ispravku uočene računске greške, te je komisija pristupila konačnom bodovanju po kriteriju za dodjelu ugovora, u skladu s čim je formirana rang-lista uspješnih ponuđača.

O svemu je sačinjen Zapisnik o pregledu i ocjeni ponuda br. 01-45-09-79-1/26, koji čini prilog ove Odluke.

Komisijá je konstatovala da je ponuđač MAX TRGOVINE D.O.O. ZENICA dostavio ponudu koja je najpovoljnija, te je preporučila ugovornom organu sklapanje ugovora s navedenim ponuđačem.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispijelih ponuda u skladu s kriterijima iz tenderske dokumentacije. U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima, internim aktima ugovornog organa i uslovima iz tenderske dokumentacije.

Uvidom u priloženu dokumentaciju nesporno je da je izabrani ponuđač MAX TRGOVINE D.O.O. ZENICA dostavio ponudu koja je kvalifikovana i nakon bodovanja je najpovoljnija u skladu s kriterijima za dodjelu ugovora iz tenderske dokumentacije, sa ukupnom ponudenom cijenom (bez PDV-a) od 77.600,48 KM i rokom isporuke od 2 dana.

Shodno navedenom, odlučeno je kao u dispozitivu Odluke.

UPUTSTVO O PRAVNOM LIJEKU:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili mu je mogla biti prouzrokovana šteta zbog nezakonitog postupanja ugovornog organa, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke, ima pravo podnijeti žalbu protiv ove Odluke, najkasnije u roku od 10 (deset) dana od njezinog prijema. Žalba se ulaže ugovornom organu u pisanom obliku, u dovoljnom broju primjeraka koji ne može biti manji od 3 (tri), kako bi ista mogla biti uručena izabranom ponuđaču ili drugim strankama u postupku.

y.d. Direktor

Minela Marić

Prilozi:

- Zapisnik o pregledu i ocjeni ponuda sa Preporukom Komisije i prilogima

Dostaviti:

- Web stranica ugovornog organa: www.centarszastaralica.com
- Ponuđačima koji su sudjelovali u predmetnom postupku nabavke
- U spis nabavke
- a/a